

# MET EPWE PACHELONG LON EWE TAROPWEN ASILESIL FANITEN MEMEON IMW ESE KAMOTIW

(Poputa July 12, 2021)

Alongolong won an Kepina Ige we poraus faniten wesilon ewe annukun aukatiw an souimw resapw atouu chon imweimw poputa lon August 6.<sup>1</sup>

## THIS IS NOT A TEMPLATE, RATHER A CHECKLIST

Poputa August 7, 2021, mei achimw seni met a fiis me mwan fan nurun ekkoch alluk minen lom emen souimw epwe ngeni ewe chon imweimw taropwen asilesil lon 5 ran ren an ese kamotiw imwan. Iei emon souimw epwe akomw awora taropwen asilesil ngeni ewe chon imweimw faniten memeon imwan ese kamotiw, ewe asilesil epwe tichiiki porausen an ewe ese kamotiw memeon ewe imw me mwen an ewe souimw epwe faiel ika walong taropwen an epwele atouu ewe chon imweimw. Ewe alluk a kasiwil, HRS §521-68, a achimwa an eu taropwen asilesil epwe kawor ngeni ewe chon imweimw lon 15 ran me mwen epwe wor angangen fori taropwen atouu me lon imwen kepwung. Ewe asilesil lon 15 ran epwe pwal kawor ngeni ewe lenien affor me lon omw ewe kinikin. Porausen ekkewe kinikin mei kasiwil lon alluk 521-68 meii affat me fan – met epwe pachelong lon ewe asilesil:

1. Itan ewe souimw me meinisin ian repwe tongeni kori ika churi me ian (nampan tengwa) (HRS § 521-68(b)(1))
2. Addressin ika nampan ewe leni ra imwem ie (HRS § 521-68(b)(2))
3. Itan me nampan telefon ren meinisni ekkewe ra imweimw ika nom lon ewe imw, ika epwe tufich, (HRS § 521-68(b)(3))
4. Memeon ewe imw lon eu maram (HRS § 521-68(b)(4))
5. Ukukun ewe liwinimang ren memeon imw, aimwuni met a kamotiw, me met monien alilis faniten memeon imw ra angei (HRS § 521-68(b)(5))
6. Echo taropwe pwe ewe souimw a amasow ngeni monien alilisin memeon imw, ika a fen wor chon kokori seni ekkewe leni ra wisen awora ekkewe monien alilisin meon imw. (HRS § 521-68(b)(6))
7. Echo taropwen pwarata pwe monien alilisin memeon imw a kawor me meoni an ewe chon imweimw liwinimang ren ewe imw. (HRS § 521-68(b)(7))
8. Echo taropwen pwarata pwe kapin ewe asilesil mi kawor ngeni ewe leni affor (mediation center) me lon omw ewe kinikin an ewe lenien affor epwe kokori ewe chon imweimw an epwe fori eu fansoun affor faniten ewe memeon imw ese kamotiw [pachelong nampan telefon ika tengwa ren ewe lenien affor] (HRS § 521-68(b)(8))
9. Echo taropwen pwarata pwe ewe lenien affor epwe awora pisekin pwarata ngeni ewe souimw pwe ewe lenien affor a angei ewe taropwen asilesil me pisekin pwarata pwe a kawor eu fansoun faniten angangen affor (HRS § 521-68(b)(9))
10. Echo taropwen pwarata pwe ewe souimw a tongeni faiel neun taropwe lon imwen kepwung an epwele atouu ewe chon imweimw murin 15 ran ika pwe esor fansoun a kawor faniten epwe fis ewe angangen affor lon ewe 15 ran, ina mwo ika ese kawor fansoun angangen affor otun ika murin ewe 15 ran (HRS § 521-68(b)(10))

<sup>1</sup> Kofonor epwe esinesin esap mang seni July 17, 2021 ika epwen kouno non August 6, 2021 ewe manamanen ika pocholunen an esap wor katoun chon imw seni nenier ika ese kamotiw.

11. **Eu asilesil (warning) epwe bold**, epwe affata ika pwe a kawor fansoun angangen affor ren ewe chon imweimw lon ewe 15 ran (ina mwo ika ewe angangen affor e fis nge murin), iwe ewe souimw epwe witiwit lon 30 ran mwen an epwe faiel taropwen atouu ewe chon imweimw. Ewe asilesil epwe pachelong pwe ewe souimw epwe affata ia tikkin ewe angangen affor me awora pisekin pwarata an awora ewe taropwen asilesil lupwen an faiel neun taropwe lon imwen kepung. Ika pwe a tinni lon posto ewe taropwen asilesil, ewe 15 ran epwe poputa 2 ran murin an ewe taropwe ipwang sengi posto; ika pwe ewe taropwen asilesil e pacheta won ewe imw, ewe 15 ran a poputa lon ewe pwinin maram a pacheta ewe taropwe. (HRS § 521-68(b)(11))

12. Echo taropwe epwe affata nge ewe angangen atouu ewe chon imweimw mei tufich an epwe nom fan nurun allukun ekkoch soopw (state) me ewe mwulap iei popun mi pesepes an ewe chon imweimw epwe kutta aureuran lon pekin alluk (HRS § 521-68(b)(12))

13. Echo taropwen pwarata pwe ika a kawor fansoun angangen affor, mei achimw an ewe souimw epwe fiti ewe angangen affor (HRS § 521-68(b)(13))